

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj: 01-04-110/20-4

Datum: 04.03.2020. godine

Na osnovu člana 64. stav 1. tačka b. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06) člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-04-110/20-3 od 03.03.2020. godine u postupku javne nabavke radova „**Dogradnja i rekonstrukcija vodovodne mreže i priključaka u ulicama Radnička, Radinskih rudara i Breštica**“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javne nabavke broj: 01-04-110/20-3 od 03.03.2020. godine i Ugovor za javnu nabavku radova „**Dogradnja i rekonstrukcija vodovodne mreže i priključaka u ulicama Radnička, Radinskih rudara i Breštica**“ dodjeljuje se ponuđaču „DŽEVKOMERC INŽINJERING“ d.o.o. Zavidovići, sa sjedištem u ulici Dubravački put bb 72200 Zavidovići, ponuda broj: IMP 2502/20, za ponuđenu cijenu nakon e-aukcije od 233.000,00 KM bez PDV-a, kao najbolje ocijenjenom ponuđaču.

Član 2.

Prijedlog Ugovora o nabavci radova dostavit će se na potpis izabranom ponuđaču „DŽEVKOMERC INŽINJERING“ d.o.o. Zavidovići, sa sjedištem u ulici Dubravački put bb 72200 Zavidovići, u roku od 10 dana, računajući od dana kada su svi ponuđači obavješteni o izboru najpovoljnije ponude.

Član 3

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik Bosne i Hercegovine“, broj 39/14).

o brazloženje

Odlukom o pokretanju postupka javne nabavke radova broj: 01-05-110/20 od 30.01.2020. godine donesenom od strane ovog organa pokrenut je postupak javne nabavke radova „**Dogradnja i rekonstrukcija vodovodne mreže i priključaka u ulicama Radnička, Radinskih rudara i Breštica**“. Predmetna javna nabavka predviđena je Planom javnih nabavki općine Banovići za 2020. godinu, broj: 01-04-81/20 od 24.01.2020. godine pod stavkom 83.

Javna nabavka radova sprovedena je otvorenim postupkom javne nabavke.

Procijenjena vrijednost javne nabavke bez PDV-a je 233.340,00 KM. Obavještenje o nabavci broj: 1220-1-3-6-3-7/20 od 31.01.2020. godine, objavljeno je na Portalu javnih nabavki.

Tenderska dokumentacija objavljena je na Portalu javnih nabavki.

Komisija za javne nabavke imenovana rješenjem broj: 01-04-68/20 od 22.01.2020. godine i broj: 01-04-135/20 od 03.02.2020. godine, ovom organu dostavila je dana 04.03.2020. godine Zapisnik o ocjeni ponuda broj: 01-04-110/20-1 od 25.02.2020. godine, Zapisnik o rangiranju prihvatljivih ponuda nakon e-aukcije broj: 01-04-110/20-2 od 03.03.2020. godine i Preporuku o izboru najpovoljnijeg ponuđača broj: 01-04-110/20-3 od 03.03.2020. godine u postupku javne nabavke radova „**Dogradnja i rekonstrukcija vodovodne mreže i priključaka u ulicama Radnička, Radinskih rudara i Breštica**“ U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 5 (pet) i to:

1. „DŽEVKOMERC INŽINJERING“ d.o.o. Zavidovići, sa sjedištem u ulici Dubravački put bb 72200 Zavidovići (datum predaje ponude 25.02.2020. godine; vrijeme predaje ponude 07:21 h),
2. „GRADNJA 1“ d.o.o. Tešanj, sa sjedištem u ulici Rosulje bb – Jelah 74264 Tešanj (datum predaje ponude 25.02.2020. godine; vrijeme predaje ponude 08:36 h),
3. „FLEX INVEST“ d.o.o. Sarajevo, sa sjedištem u ulici Vilsonovo šetalište br. 10. 71000 Sarajevo (datum predaje ponude 25.02.2020. godine; vrijeme predaje ponude 09:27 h),
4. „IGM-IUT HASKIĆ“ d.o.o. Vitez, sa sjedištem u ulici Počulica bb 72250 Vitez (datum predaje ponude 25.02.2020. godine; vrijeme predaje ponude 11:31 h),
5. „GPP BANOVIĆI“ d.o.o. Banovići, sa sjedištem u ulici Armije BiH br.36. 75290 Banovići (datum predaje ponude 25.02.2020. godine; vrijeme predaje ponude 11:35 h),

- da je blagovremeno zaprimljeno 5 (pet) ponuda,

- da nema neblagovremenih ponuda,

- da su ponude ponuđača „DŽEVKOMERC INŽINJERING“ d.o.o. Zavidovići i „GPP BANOVIĆI“ d.o.o. Banovići, ocijenjene prihvatljivim,

- da su ponude ponuđača „GRADNJA 1“ d.o.o. Tešanj, „FLEX INVEST“ d.o.o. Sarajevo i „IGM-IUT HASKIĆ“ d.o.o. Vitez odbačene kao **neprihvatljive**, Iz slijedećih razloga:

Ponuda ponuđača „GRADNJA 1“ d.o.o. Tešani:

Nacrt ugovora je dostavljen na nevažećem obrascu nacrta ugovora (Aneks 9). Ugovorni organ je dana 03.02.2020. godine, na portalu javnih nabavki, objavio izmjene Tenderske dokumentacije u kojoj se u tački I kaže:

„U Tenderskoj dokumentaciji za nabavku radova „Dogradnja i rekonstrukcija vodovodne mreže i priključaka u ulicama Radnička, Radinskih rudara i Breštica“, mijenja se obrazac nacrta ugovora o javnoj nabavci radova (Aneks 9). Umjesto navedenog obrasca ponuđači su dužni dostaviti popunjen, potpisan i ovjeren **NOVI** obrazac nacrta ugovora o javnoj nabavci radova (Aneks 9a), koji je u prilogu ove Izmjene tenderske dokumentacije“.

Naime, nakon što je objavio tendersku dokumentaciju, Ugovorni organ je uočio grešku u načinu plaćanja u obrascu nacrta ugovora (aneks 9), koji nije bio u skladu sa odredbama tenderske dokumentacije, zbog čega je bio primoran izvršiti izmjene istog. U izmjenama tenderske dokumentacije jasno je rečeno da se mijenja obrazac nacrta ugovora (Aneks 9) i **da su ponuđači dužni dostaviti popunjen, potpisan i ovjeren novi obrazac nacrta ugovora o javnoj nabavci radova (Aneks 9a)**, umjesto ranije objavljenog (aneks 9).

Na osnovu naprijed navedenog, vodeći se principom jednakog postupanja prema svim ponuđačima i na osnovu člana 57. stav 1., člana 68. stav 1. i člana 68. stav 4. tačka i), Zakona o javnim nabavkama, Ugovorni organ ponudu ponuđača "GRADNJA 1" d.o.o. Tešanj **odbacuje kao nepotpunu i time neprihvatljivu**, jer ne ispunjava zahtjeve iz Tenderske dokumentacije.

Ponuda ponuđača „FLEX INVEST“ d.o.o. Sarajevo:

Nije dostavljen dokaz o stalnom radnom odnosu lica koje će biti odgovorno za izvođenje radova koji su predmet javne nabavke, kod ponuđača.

Ponuđač „FLEX INVEST“ d.o.o. Sarajevo dostavio je izjavu u kojoj se kaže:

„Po članu 51. ZJN, stav c) ugovorni organ može zahtijevati izjavu o angažmanu tehničkom osoblju ili tehničkim organima a za koje se ne može zahtijevati da su uposleni kod kandidata/ponuđača“.

U tom smislu je dao svoju izjavu da namjerava angažovati tehničko osoblje – građevinskog inženjera, te je dostavio sve druge dokumente vezane za kvalifikaciju lica koje namjerava angažovati (dokazi o završenom školovanju – diploma, uvjerenje o položenom stručnom ispitu i dokaz o radnom stažu).

Tenderskom dokumentacijom, odjeljak 13. Ostali uslovi za kvalifikaciju, tačka b) Tehnička i profesionalna sposobnost, propisano je da ponuđač mora dostaviti dokaze o obrazovnoj i profesionalnoj kvalifikaciji lica koje će biti odgovorno za izvođenje radova koji su predmet javne nabavke (diplomirani inženjer građevinarstva, sa minimalno tri godine radnog iskustva i položenim stručnim ispitom iz oblasti građevinarstva, u skladu sa Zakonom o prostornom uređenju i građenju, koje izdaje nadležno Ministarstvo prostornog uređenja i građenja, zaposlen u stalnom radnom odnosu kod ponuđača).

Članom 51. ZJN propisano je da u postupku javne nabavke radova ugovorni organ može zahtijevati jedan ili više dokaza o tehničkoj i profesionalnoj sposobnosti kandidata/ponuđača. Tačkom b) istog člana se kaže „obrazovne i profesionalne kvalifikacije izvođača radova i/ili kvalifikacije njegovog rukovodećeg osoblja, **i naročito kvalifikacije lica koja su odgovorna za izvođenje konkretnih radova**“

Dakle ne radi se o angažiranom tehničkom osoblju ili tehničkim organima, naročito onom osoblju koje je **angažirano za poslove nadzora i kontrole kvaliteta**, a za koje se ne može zahtijevati da su zaposleni kod kandidata/ponuđača, što se propisuje u tački c), na koju se ponuđač poziva, već se radi o licu koje je odgovorno za izvođenje konkretnih radova, odnosno kvalifikacijama izvođača radova.

Na osnovu naprijed navedenog, vodeći se principom jednakog postupanja prema svim ponuđačima i na osnovu člana 57. stav 1., člana 68. stav 1. i člana 68. stav 4. tačka i), Zakona o javnim nabavkama, Ugovorni organ ponudu ponuđača "FLEX INVEST" d.o.o. Sarajevo **odbacuje kao nepotpunu i time neprihvatljivu**, jer ne ispunjava zahtjeve iz Tenderske dokumentacije.

Ponuda ponuđača „IGM-IUT HASKIĆ“ d.o.o. Vitez:

Ponuđač „IGM-IUT HASKIĆ“ d.o.o. Vitez u svojoj ponudi je dostavio: Obrazac za dostavu ponude, Obrazac za cijenu ponude, Izjavu iz člana 45. ZJN, Spisak izvršenih ugovora, Izjavu iz člana 52. ZJN, Popunjen obrazac tehničke specifikacije, Izjavu o garantnom roku, Izjavu o prihvatanju općih i posebnih uslova tenderske dokumentacije i Nacrt ugovora, **ali svi nabrojani dokumenti su potpisani od strane neovlaštene osobe ponuđača.**

U ponudi je dostavljeno ovlaštenje kojem Lice ovlašteno za zastupanje ponuđača – direktor, koji je upisan u sudski registar kao lice za zastupanje ponuđača bez ograničenja ovlaštenja u okviru registrovane djelatnosti (vidljivo iz dostavljenog Aktuelnog izvoda iz sudskog registra) daje ovlaštenje drugom licu u stalnom radnom odnosu kod ponuđača, ali samo da može vršiti potpisivanje i ovjeravanje **tenderske dokumentacije.**

S obzirom da je lice na koje je preneseno ovlaštenje izvršilo potpisivanje **ponude, odnosno sastavnih dijelova ponude**, Ugovorni organ ovo ovlaštenje nije mogao ocijeniti kao validan dokument na osnovu kojeg je lice sa ovlaštenjem moglo izvršiti navedene radnje, jer se u ovlaštenju izričito kaže - ovjeravanje i potpisivanju **tenderske dokumentacije.**

Na osnovu naprijed navedenog, vodeći se principom jednakog postupanja prema svim ponuđačima i na osnovu člana 58. stav 1. tačka g), člana 68. stav 4. tačka j), Zakona o javnim nabavkama, te člana 9. stav 2. tačka i) Uputstva za pripremu modela tenderske dokumentacije i ponuda, Ugovorni organ ponudu ponuđača "IGM-IUT HASKIĆ" d.o.o. Vitez **odbacuje kao neprihvatljivu**, jer nije dostavljena (potpisana) od strane ovlaštenog lica ponuđača.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Kako je u predmetnoj javnoj nabavci predviđena primjena e-aukcije ista je održana 03.03.2020. godine.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena nakon završene e-aukcije u iznosu od 233.000,00 KM bez PDV-a.

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, te članom 9. stav 2. Pravilnika o načinu i uslovima korištenja e-aukcije (Službeni glasnik BiH 66/16) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

DOSTAVITI:

1x Svim ponuđačima koji su učestvovali u postupku JN
1x U spis



OPĆINSKI NAČELNIK

Midhat Husić